

秋

笳

集

秋筵前集卷五

漢槎吳季子今之賈生終童也

名籍甚吳楚間與子遇于虎阜抵掌莫逆遂出詩編屬余弁語子結髮誦詩自成童時常與兄弟朋好跌宕江湖有唱有答然終不能名一家十餘年間洊被傾覆羣從凋喪嚮者雕蟲末技兵燹散亡而子益頽然廢放漸歛聲華如溝斷散櫟以不才求全矣雖然風雅之原聲情之本酒酣狂來尙能爲季子言之夫詩之爲用者聲也聲之所以用者情也幽風二南二雅三頌或出于婦人小夫衝口率志之作或出于元

臣碩老諷諭賦述之言詠泐休明孖寫道德情盛而聲自叶焉遂登樂章歌薦朝廟此天下之真聲也若夫情曼者其聲嗶情伉者其聲厲情危者其聲烈情豫者其聲揚是數者雖詭于和而情之所激皆足以鏗鏘律呂感動鬼神相鼠之詩其聲率山樞之詩其聲迫迫且率而仲尼不刪者爲其情真也真故不諱其激有激極而和之勢焉此亦聲亞也六季三唐刻鏤組繪南北二宋披猖率埜聲情交叶什無二三何大復常謂唐初四子音節可詠子美調失流轉予初聽之然究其所撰明月篇聲浮于情學者從是矯宋元之過相與規步音響趨摹格調而天下之情隱者

亦大復爲之戎首也數十年以來聲盛者情僞情真者聲俗兩家之說戛然不入而其不諧真樂則同終亦成其兩僞而已矣子雖稍有窺見自愧能知而不作悠悠塵溢莫可爲盡也竊願爲季子以其髻亂之歲嘔江楚弔沉湘指衡霍劍槩相摩龍虎爭搏華年盛氣掉臂出沒乎其間故其爲人英朗雋健忠孝激發凡感時恨別弔古懷賢流連物色之製莫不寄趣哀涼遺音婉麗情盛而聲叶非季子其孰能及之而子回首昔時與兄弟上潯陽經廬嶽分曹謀句睥睨爭雄銜杯一笑江波振起今日獨與季子談河山之變遷數風雲之滅沒燈炮酒闌騷屑偃蹇其能無樂

極而哀來婆婆而弔影乎雖然季子伯兄弘人以其
文章器識領袖羣彥仲子聞夏撰述英多一時屈聳
與子兄弟交十餘年猶兄弟也季子出而玉振之子
不孤矣遂書之爲其詩序

秋筵前集卷五

吳江吳兆騫漢槎著

詩四

春日篇

金陵篇

長安道

洛陽道

塞上曲

塞下曲

紫驪馬

劉生

關山月

雨雪曲

班婕妤

銅雀伎

晚眺寄計甫草

寄楚黃王涓來

送人之越東卽席分得蕭字

雜詩同楊俊三作

白紵辭和弘人大兄

長安有狹邪行

漢武宮詞

開元宮詞

行路難和吳海序計

甫草

子夜歌和顧茂倫

五日觀競渡因憶楚荆一百韻

美人篇和聞夏二兄

金陵

夜次京口

揚州

登漢陽晴川樓時逆獻已陷蘄黃

岳州

湘陰

君馬黃贈張九臨

東飛伯勞歌同計甫

草趙山子作

秋夜同楊俊三作

冠霞閣同顧茂倫趙若干晚眺

秋感八首甲申九月在湘中作

秋日感懷八首

贈友

夜讌吳閩

送康小范之廣陵

寄侯記原

寄侯研德

哭友

秋夜篇和弘人聞夏

兩兄

三婦艷三首

望遠曲十二首

贈初奕喜

江樓晚晴懷丁繡夫

登穹窿山

贈字三朱子

懷侯研德

寄遠

題穹窿道院

席上贈張子

上巳同丁繡夫禊飲

七夕贈車瑞香

秋日贈九臨和旣庭

作

送人歸楚

寄懷姚子上

遺事

送甫草入都

贈舊李侍御伍戶曹

李蜀人伍楚人也

題茂倫隱居

絕句二首

送字三歸楚

同旣庭敬生天一諸子及家聞夏集繡夫齋中

時旣庭將有越行

九日舟行同旣庭繡

夫兼呈敬生及家弘人聞夏

旣庭來江城忽爾卧疾詩以問之

偶成

送人還荊州

客夜有懷

送人之湖南

甫草都中歸賦贈

送人歸秦中

山齋晚眺懷朱子蓉

擬唐人送宮人入道

古意

春遊

柳絮

送宋旣庭之浙中

湘水曲效齊梁體

夜集贈余澹心

贈袁文生黃平子

與舊史

虎丘題壁二十絕句

秋笈前集卷五

吳江吳兆騫漢槎氏著

春日篇

亭臯三月東風吹
匝道烟花豔綠圍
十里紅潮連翠岸
千重碧樹起珠帷
侯家別墅春如織
芳林繁囿連雲日
蘭沼輕波泛紫鴛
蕙樓高影巢玄鳥
樓陰架址碧嵯峨
窻戶玲瓏盛綺羅
日映翡帷銀蒜靜
風微珠綬玉鈴和
鈴聲隱隱花間起
榆錢雪落覆明水
數蝶伍飛香草中
流鶯細囀垂楊裏
毵毵垂楊滿碧郊
遊絲百尺亂烟條
陌上繁陰臨玉道
隄邊香霧鎖虹橋
虹橋一望明于素
朱軒紺幃紛相度
錦障蕪關滿水

圍羊車近出長安路長安此日正妍華幾處樓臺映
晚霞翠鞵香細初調馬繡袷風輕試問花綠疇去去
芳埃逐油幕生光照平陸帶織茱萸耀紫珊鞞裝杏
葉團紅玉玉鞭時向狹斜行弱絮繽紛綴道傍鬪雞
坊裏花初滿走馬臺邊柳正黃柳黃花滿相凌亂由
來此地稱華豔日暮徵歌趙李家夜來蕢酒胡姬館
十五胡姬不解羞佯鬟輕倚鈿篋篋私結紅羅邀上
客自矜脂腕整搔頭年年歲歲爭遊冶挾彈探丸空
藻野南陌方看千騎來東皇又擲三春謝三春風日
自陰濃落盡梨花鎖院中間道西園芳草路羅衣迎
暑送春風

金陵篇

高皇昔日起西吳手挾靈旗問獨夫既向龍沙開絕
漠遂來虎踞建神都燕子二潮通海浪鴻郎萬雉俯
江波江波去去無窮已城中宮閣叅天起鳩鵲連延
抗碧臺鳳皇窳窳園玖旭隱隱長橋水卧虹沉沉華
闕霞含紫圓井春寒露索高上林花隱風弦細蘭綺
鉤陳七寶鞭深深紫袖寫便娟晝靜烟花金殿杳宵
嚴鐘鼓玉珂寒七校除齊仙仗外羣公珮響翠華前
日麗朱城百萬戶氣迫皇圖三十年文皇爲念邊城
苦欲卧燕山留北鎖竟從鹿輅策關中難仍牛首稱
天府一自宸旒去紫臺遂令南內瑣青槐玉女窻寒

風斷續景陽鐘歇月徘徊銅溝不膩紅妝粉金屋空
餘烏非苔轆轤聲斷號鴉曉宮莎含日春秋早獸環
深閉寂難知鉤盾蕭涼無復掃時見朱櫻薦寢圍獨
看碧草蕪馳道列聖相傳海內平侯家甲第起紅塵
十二重樓連鳳翼三千複帳結鴻紛香車半卷油幢
暖畫閣全傳水調清舞愛弓腰碧纔轉歌殘子夜玉
鉤明綉戶宵籠雲母扇晶盤曉進月兒羹旣傾燕尾
臨芳沼還問桃根向石城石城年少如鷹撇腰下吳
鉤凝紺雪挾妓酣歌玳瑁樓揮鞭驕試金錢埒檀槽
撥軟貼龍香紵弦絲斷施鸞血獨來陌上恣矜趨放
犬呼鷹樂未消醉拭芙蓉輕一諾笑擲珊瑚賭百驍

絳衫香襲浮雲鞚紫艾光承明月刀
明月高高照芳甸秦淮宛轉澄如練
汀上銀沙寫露華堤邊珍樹吹花霞
錦纜風迴榜唱微蘭橈波細簫聲轉
簫笳清吹滿皇州夾道芳塵掩畫樓
睡鴨香濃初按茜鳴蟬梳罷學藏鈎
街喧蘭葉迎珠勒隊簇桃花映綠鞵
綠鞵珠勒紛馳逐誰知禍亂來相促
九逸驚從代邸來三星更向東山簇
江表雖飛晉氏龍中原已失麤家鹿
競傳寶雉集丹陽南紀欣開司隸章
酒置新亭風已異鑾回舊內日重光
瑯琊方擬戎衣定仙人又進昭陽讖
馬控青絲自壽春鴟銜黃紙沉江乘
聞道哥舒已棄關猶矜監牧能行陣
宮門不見幾傳烽君王還

符豆田中淚盈秋雁開黃帕艦列晨鳧渡阿童鄭畋
迎鑿思敵愾傷心豈料成青蓋較戰無聞朱雀航負
恩竟賣盧龍塞拂廬闕幕過京華園廟蕭條擁塞沙
輶輻亂度臺城柳鬢篋寒推上苑花可憐壞道哀湍
急陟門夜靜荒燐碧雪暗焚宮泣玉牀風酸辭漢悲
銅狄黃頭洗箭唱堯離故老吞聲淚縷縻仁壽鏡懸
精衛怨茂陵書去子規號金釵歌斷臨春閣秋颺槐
葉紛蕭索已歎三千落劍花漫期十八開蓮芍回首
南朝事惘然月明麋鹿故宮前獨有石頭春水碧烟
波夜夜送潺湲

長安道

馳道春風晚長袂落日斜按鷹來戚里挾瑟向侯家
紈扇平陽月珊瑚鞭宣曲花君王方好武新拜李輕車

洛陽道

戒曉開平樂華纓滿洛陽風花伍錦障歌吹競紅妝
金埒新調馬銀鈞學採桑鬪雞殊未返知是就陳王

塞上曲

羽檄夜徵兵嫖姚下柳城邊烽連戰氣隴樹聚秋聲
月落金笳冷風高鉄馬鳴歸來報天子獵火萬山明

塞下曲

萬里覓封侯金鞍被錦裘弓懸龍塞月角度雁門秋
白草迷孤障黃雲斷戍樓應知漢都護持節到涼州

紫駟馬

蹀躞蘭池馬鳴鑣出灞川氣驕垂柳側嘶斷落花前
鞭影懸絲鞵衣香拂錦鞵方隨驃騎去羞向畫樓邊

劉生

年少扶風客驕行繡陌傍期門新挾彈長信舊爲郎
輕薄徵紅袖矜趨脫紫韁獨來春草獵名姓滿咸陽

關山月

明月照邊州交河迴不流五原征雁斷六道戰雲愁
鐵甲寒生白銅焦夜帶秋誰憐樓上女腸斷大刀頭

雨雪曲

關山千里雪客子事長征銀碛雙鷗沒冰河一騎行

雲橫青海戍烽掩白登城辛苦金微外嫖姚未解兵

班婕妤

君王憐燕啄棄妾似飛蓬輦路苔文暗簾鈎露彩濃
秋風傷擣素夜月怯窺紅豈怨成孤寢私心託守宮

銅雀伎

井幹倚清漳朱顏送豔陽總幃春漠漠陵樹月蒼蒼
紅斷閒裙蝶鶯歸罷箇牀遙思魏宮夜歌舞奏名倡

晚眺寄計甫草

夜色蕭條萬里開愁人臨眺獨徘徊浮空遠碧天邊
盡不斷荒烟樹杪來孤障風高悲鼓角春濤日落映
樓臺只今戎馬迷南北且向袁絲問俠才

寄楚黃王涓來

相思空唱梅花曲
夷甫行藏近若何
目極江湘千里暮
書傳關塞一鴻過
潯陽潮落笳聲壯
笠澤天高戰氣多
好去買山尋鳳侶
莫教風雨泣卷阿

送人之越東

卽席分得蕭字

平原春草莽蕭蕭
遊子乘春訪石橋
舟渡雲中觀海日
人從天際聽江潮
赤城東去霞標盡
閩嶠南開龍氣遙
倘過嚴陵逢釣叟
可能回首憶吹簫

雜詩

同楊俊三作

黃鶴凌風飛翩翩
橫九垓秋風何蕭瑟
長鳴有餘哀
我生亦何爲
栖栖隱蒿萊
圓景依中天
繁星蝕其輝

朱華耀芳林嚴霜瘁其萎昭王久已死誰起黃金臺
壯夫固有時無爲長槍摧周周顧羽毛安知橫絕才

其二

少年好遠遊駕言適沅湘廣川激清波惠風蕩紅芳
走馬陽雲臺流蘇何飄揚天晴春草細平原浩茫茫
飛身接雙兔倒捉青絲韁南楚多俠客相逢大道傍
解鞍藉草坐飛騎徵名倡是時暮春初新鶯滿高楊
絲管雜鶯聲歡樂方未央自擬今日遊百歲可終常
豈意迅商來吹我還舊鄉棄彼繁與華推藏守空堂
青鮫競飲食玄豹擇文章扶搖倘我借矯翼凌扶桑

其三

上山採芳杜岩阿多薄陰東風媚春華枝葉自相尋
之子渺不歸歲月日以侵憶君新婚時相於同錦衾
今君遠行役悠悠隔江潯門有車馬客云來自桂林
牽衣問夫婿言阻湘水深庭中有好鳥命儔揚清音
而我竟何如紅顏坐相零寄君幸努力無使妾傷心

其四

家世爲漢將生長遼城東秋高塞草枯從軍出雲中
具裝懸吳鉤雙韃捷秦弓烽烟四面動旌幟紛相從
列營砂磧間白日昏蒿蓬邊聲薄暮起蕭蕭生嚴風
黃雲合涼野千里無征鴻倚劍登高原慘淡秋天空
漠南苟未夷意氣難爲功轉戰蘭干山連摧燕支戎

天子坐建章馳詔嘉爾雄功成入西京甲第何崇隆
嗚嗚草玄者鉛槧守固窮

其五

植蘭華池邊微芳隨風宣託身君子室令德隨人妍
高樓有佚女獨宿方盛年年頗十五餘蛾眉澹新顰
含情理修帶垂手春風前不怨盛年移但期靈條還
豈學倡家女河間夜數錢

白紵辭

和弘人大兄

曲瓊半上朱筵張蛾眉促坐調銀簧月華燭燭光滿
堂爲君起舞樂夜長七盤迅赴嬌服揚香塵欲動江
南瑞安歌進酒君莫忘無爲向隅空自傷高堂歌舞

殊未央烏噓喔喔催扶桑

其二

臨高臺披重幄博山燼委芳氣馥還攜美子揚清曲
玉柱高張調何促袖長管急消華燭春風澹澹吹微
波豔陽欲去可奈何忘情且任金叵羅不見高樓春
盡傷青蛾

長安有狹斜行

三輔盛遊俠逐逐長安中長安何翕絕冠蓋相紛溶
道逢兩驕人叩叩問何從答言少年時結交槐里翁
二十屬期門侍獵長楊宮池陽宣曲間日夕陪射熊
家本俠者徒賣漿非鳴鐘一旦拜恩澤罄折來羣公

太息大長秋小息右扶風朱軒交華屋賓御殊瓏蔥
善宦自有因矩步非所容佳麗及春妍歲暮難爲工

漢武宮詞

戲罷魚龍幸柏臺期門十隊翠華開甘泉宮裏傳銀
燭聞道君王夜獵迴

開元宮詞

春來水殿鎖潺潺阿監傳呼召玉環十部龜茲齊度
曲夜深歌舞到花間

行路難

和吳海序計甫草

翩翩炎洲翠溫理何娟好羅家工射利雲罕張林杪
凌霜觸雪辭故枝羽毛瑟瑟如蓬葆海鵠噉噉鳴雲

中顧此憔悴心煩忡念君雖微同鳳族胡爲戢翼羈
雕籠爲君稍網得歸去相將飛入三珠樹

其二

漢武好神仙五利爲通侯爲言仙人好樓居器塵雜
沓難淹留不如雲卧向山去文狸赤豹同遨遊又聞
山鬼方窈窕幽篁含睇來相求吾聞君言何太矯人
生立身苦不早平原據地歌金門安能寂寂長烟草
盛年易戢時易沉秋風不駐紅顏好不見濟南終子
雲上書十八乘朱輪

其三

文仲昔戰死乃歌平陵東平陵多松柏一一生悲風

憶昔全盛時候家一何雄父爲漢相子侍中香貂翠
羽交君宮門前雙旌相照耀領麾東郡驅遊龍一朝
彎弓雪漢恥相從獨有陳家子新都欲來赤鳳死嗟
爾慷慨徒爾爲連頭且入陳都市汝南小兒何覲覲
不歌義公歌兩鵠

子夜歌

和顧茂倫

儂傍大堤頭問歡在何許那得木蘭橈載儂到歡處

其二

棄妾高樓上羞看春草肥蛾眉何用掃夫婿已翻飛

五日觀競渡因憶楚荆

一百韻

佳麗蘇臺畔烽烟郢樹邊懷人空悵望撫景自淒然

草木辭春晚魚龍隱浪偏天涯還戰仗江左競誰關
射粉羗笳後尋芳塞馬前楚山雲黯淡吳練水潺湲
爲憶三閭賦翻悲五日傳千門待女浴萬戶命絲纏
榴暖紅珠火花明紫玉烟水嬉仍舊俗競渡又今年
鳳舸沙棠艦鳧車文杏舷古謂舟爲車如木馬之類波輕飛畫檝
風急蕩淪漣雜沓奔潮壯蒼茫亂影旋錦帆紛沼汜
絲竿倒盈川擊汰淫簫鼓橫流馘鮪鱣權歌聲的的
橈吹思咽咽白馬晴洲合黃頭麗服鮮靈胥小海唱
九淖盪崖譏繡幟凌風直牙標映日圓輕鬢吹雪擾
跳沫激珠連翼翼蛟初駕滄滄鷺乍旋飄搖首尾捷
宛轉舳艫便直欲橫朱汜何心遠鏡懸兩甕開蒲帳

一徑駐華駟蠻帶隨絲遠香臍向客嗎縱橫青雀舫
歷亂碧羅韉蕩子金羈簇佳人玉袖聯徵歌看決關
倚扇醉嬋娟盡矢觀濤樂徒誇拾翠嬛傷心誰獨苦
招屈自摧煎倏忽簫鉦歇如同霧雨遷曲終江寂寂
戲罷灑濺濺對此原增憾于今益惘焉山陽思舊笛
水畔斷腸絃荒莽湘臯月蕭條漢渚荃峯青空七二
雪白渺三千彼美遊無處蘋花益可憐昔子知子上
意氣遠同堅萬里曾貽佩孤懷願執鞭澧蘭香澹澹
沉芷影芊芊神往都無隔書來各勉旃但期長梯駕
未共李膺船是歲逢園棘家翁實秉權阿房求杜牧
麈尾識張玄辛苦梧桐咏沉吟芍藥篇帝娥方鼓瑟

令史早書勳策奏蘭成射人看玉筍妍門生袁氏貴
賓客衛家賢夢斗還相次登龍獨秀先師資誠契合
風雅故便翽西錦朱華燦滄碑紫字鐫向衰嗤伏氏
年少逼僧虔粉署荀香合華堂謝舞翩才名矜藻麗
出入豔神仙黃鶴晨停馬青翰夜點箋觀落雲母隔
覓妓雪兒眠綺席輕于蕊羅衫薄似蟬筆裁鸚鵡賦
身侍雁池筵論議皆希逸交遊悉仲宣曲高雄楚國
文似獻甘泉計吏車方飭和門檄又遄霓稍新市滿
月羽下江艇畦固窺襄郢尤來出澗瀝軫圍蒼七里
雉射陣雙甄殺氣橫譙角妖星孛翼躔六麋俱麗箭
九虎競鳴弦絕障軍聲斷嚴關戍火延登陴非棘令

逐寇失楊璇無復金湯恃空餘鉄騎駢赤亭强弩散

王壁戰樓顛突豕彌遶道封狐騁陌阡城崩寒日慘

野哭晚風羶骨壘泔陽側燐迷明月巔峽名在夷陵王孫

淪戮辱期有甲姓困拘孿愚叟山難鑿冤禽海易填

中原當板蕩吾道此屯邈惻惻遊燕客靡靡正促駟

望雲因思切聞難遂言還曉色臺城角涼飈夢澤天

子上計偕至金陵間荆州秋深恆慘黯道阻屢迴沿

滸以母夫人在途歸淚豈無家別愁緣憶母綿趙苞悲血灑溫嶠泣裙牽

入里人皆異窮途恨詎蠲修陵防藕植木末懼蓉牽

高蹈懷龍首遐征致鶻拳弋鴻羅蠹蠹鈎貝網箋箋

壯節羞全瓦克徒誓碎瑄美陽曾自穴酒士志寧悛

烈烈鋤蘭戶倉倉擗蕙楊江寒烟霧濕波濶蜃蛟
徐衍終沉海彭咸竟赴淵魂辭蓼莪苦身向汨羅全
霜色宵侵漢虹光晝蝕燕華亭存喚鶴蜀道響啼鶻
視死君能定浮生世尙嵩舊交龍戰盡新事鳳歌捐
阮籍徒埋炤靈均漫索篔簹林哀易合護草怨難痊
寂寞泉臺夜飄零故國鳶繁華今滿目誰念大招篇

美人篇

和聞夏二兄

妾家近住石城東掩抑高樓花作籠叅紅自澆邕家
宅約素偷施紅守宮宮粉亭亭競初日慵來却掩珠
窓立屈戍屏開夜影空歲蕤帳捲春風急春風晝閣
倚新妝麝月輕安待約黃垂穀鴛紋裁繡被飛襪龍

子點羅裳羅裳玉袖朱顏好櫻雲亂擁梳風早誰持
翠羽惜盈盈羞期油壁同小小烏嗁白門楊柳春緘
怨相將去踏青上頭不見東方騎小立還聽西曲鶯
西曲長干遊俠路三三五五窺紅步掩映珠袍花際
明迢遙金絡林陰度就中年少最閑舒賣眼揮鞭指
妾居三條未剪連枝錦雙烟先上合歡襦看君看妾
多輕薄相於兩兩微波託貽我羅纓白玉纏贈君銅
鏡黃金錯妾心對此倍纏綿願約他時並碧絃鳳皇
曲奏羞中夜鸚鵡環留俟七年年華倏忽芳菲歇鳩
媒謠詠佳期絕騁望蘋花杳未歸相思豈惹長離別
離別休歌楊叛兒羅帷原未侍恩私飛飛自泣東南

雀叩叩空飛西北期庭前落盡五桃樹思君渺渺行
何處謾勞桃雪助春娥空拭紅巾垂玉筍玉筍雙垂
暗自傷秦篝楚雨掩空牀同聲自矢鴛鴦約羞學侯
家弄秋香

金陵

漢家居重兩京開度邑龍盤實壯哉黃屋切雲雙闕
迴朱門不夜五侯來蕩舟桃葉迎鴛袖邀笛梅花近
鳳臺莫道江東非戰地徐常曾負折衝才

夜次京口

高城樓堞倚天開瓜步鐘聲隔岸迴夜月迴臨江樹
遠春星遙動海潮來南徐士馬推雄畧北府風流憶

賦才回首桓公高宴處短簫橫笛倍堪哀

揚州

江南佳麗地風月更揚州花隱王孫殿春還太子樓
舞衣低步障歌榭出筵篋日晚隋堤柳烟條鞞紫駟

登漢陽晴川樓

時逆獻已陷蘄黃

雕窻繡柱俯高樓檻外鶯啼杜若洲麗日曉開孤島
樹晴雲春入大江流鄂君青翰焚香卧神女芳臯解
珮遊牢落不堪頻縱目臨江烽火正淹留

岳州

城頭山色倚嵯峨不盡羣峰積翠過地擁樓臺三楚
麗湖開南北五溪多黃陵夜靜湘君瑟青草春生夢

澤波欲向芳洲舉宿莽美人無處奈愁何

湘陰

二月逢寒食三年寄短亭山空春雨白江迴暮湖青
芳樹連巫峽歸鴻落洞庭巖城有刁斗蕭瑟未堪聽

兄弘人曰金陵至湘陰六首皆家弟紀遊
舊作也時年甫十三而境地便已爾爾才
非康樂而家有惠連
飄詠未周爲之三嘆

君馬黃

贈張九齡

君馬黃臣馬蒼君馬蘭筋臣馬瞳方絡我白蜃珂著
我鉄襴襠金堤十里春草長鳴鞭蹀躞交輝光君馬
雖不言中心自摧傷自念龍媒姿呈瑞來咸陽玉山
有嘉禾劉之爲餼糧天子見我三嘆息傳呼協律爲

歌章雄姿矯矯雪毛赭肉駿律律桃花香問君剪拂
爲誰子安陽秬侯來相當須臾人事如轉轂駿雄棄
置遺空谷傷心忽遇狹斜兒玉鞭金絡相馳逐君不
見武帝宮中苜蓿稀茂陵蕭瑟秋風辭安陽旣去秬
侯死銜冤伏櫪空傷悲

東飛伯勞歌

何計甫草趙山子作

纖腰麗女長裾后流鶯乳燕春相守誰家遙豔瑣窻
前調絃拂柱情留連流蘇翠帳鴛鴦茵明眸微睇羞
自陳可憐十五新嬌面妝成婀娜遮團扇東風綺陌
冶遊多狂夫猶自戍交河

秋夜

同楊俊三作

命儔出江郭坐嘯臨層厓涼颺發商氣碧樹何霏微
皎月鑒幽榭微霜散華墀澹澹長河流噉噉孤鴻哀
楚人怨遲暮客子嘆露晞含情易爲戚念往空滋悲
絲桐自有音女蘿自有枝桂水渺無極憂思徒自知
冠霞閣同顧茂倫趙若千晚眺

香閣鬱崔嵬登臨野色開黃雲高古戍落照隱荒臺
笛思迎寒切砧聲入暮哀蕭條天際雁幾日故園來
秋感八首 甲申九月在湘中作

楓林搖落迴蒼蒼歲暮天涯黯自傷永夜星河翻夢
澤高秋風雨暗瀟湘三年作客清砧斷萬里懷人叢
桂長憑眺欲尋西筮佩數聲漁唱起滄浪

其二

楚望還登王粲樓參差吹徹木蘭舟風清桂嶺後初
嘯雨歇蒼梧瘴未收帝子怨深瑤瑟夜美人心折白
蘋秋却憐故國多芳草幾度登臨賦遠遊

其三

西山陵闕鎖幽宮羣帝神靈想像中銀海雁寒虛殿
月玉衣香散夜臺風天高朔氣妖星動地入邊笳御
宿空禋祀萬年開北極只今秋祭更江東

其四

楚宮八月下機槍宗子誰傳帶礪盟雲夢旌旗還去
國章華臺榭更開營珠囊夜泣三湘雨玉馬秋迷六

詔兵

楚中諸王避地黔粵者半爲夷獠所掠

問道至尊思叔父蠻烟渺

渺動皇情

其五

齊豫諸軍盡北來
淮淝山色戰雲開
九江潮穩飛龍艦
萬騎風高戲馬臺
殊錫競推王導貴
折衝空憶謝玄才
先皇恩澤知無數
誓衆應多縞素哀

其六

遙傳陶侃駐江干
三戶兵戈血未乾
甲帳紫貂多縱寇
牙門青犢半登壇
左侯麾下半係降將時有賜餅玉者
嚴城落日征烽急
絕塞迎寒畫角殘
共道楚軍工戰鬪
却教郵郢路常難

其七

千里平沙接大荒，
襄中風物自蒼蒼。
漢江暮掩孤城白，
戍鼓寒沉落照黃。
逐寇健兒驕玉馬，
觀軍中貴擁銀鐙。
可憐高纛重圍裏，
却使君王策廟堂。

其八

長沙寒倚洞庭波，
翠嶂丹楓雁幾過。
虞帝祠荒聞野哭，
番君臺迥散夷歌。
關河向晚魚龍寂，
亭障凌秋羽檄多。
牢落楚天征戰後，
中原極目奈愁何。

許甫草曰：此漢槎十三歲時作也。悲涼雄麗，便欲追步盛唐。用修青樓之句，元美寶刀之歌，安得獨秀千古。

秋日感懷八首

麗譙落日旆悠悠一望中原動九愁羌笛關山千里
暮江雲鴻雁萬家秋咸陽羈旅傷王子漲海功名憶
少游桂水只今新浴馬懷人何處命扁舟

其二

獨夜商歌倚劍看陸沉空憶舊長安王孫江乘金鞭
去公主清河玉袖殘白露園陵遊月冷黃雲城闕射
雕寒最憐京洛蒙塵後戰血年年只未乾

其三

關河歷歷想雄圖飛將旌旗更有無紫塞風烟征雁
斷朱鷺驛路瘴雲孤憑城早已亡羊侃鳴鏑何曾畏
郵都却憶故宮遊幸處月明永夜照金鋪

其四

舊國樓臺極望中
蔣山松柏野烟通
烏唳玉樹陳宮
靜雲散金屏晉殿空
代馬長嘶愁曉月
邊笳遙夜動
秋風江流萬里投
鞭斷誰向西州泣
謝公

其五

西來烽色炤神京
十載干戈在北平
劉氏黑貂空喪
落秦川白騎竟縱橫
種瓜誰識通侯貴
奉壺還誇僕
射名極目長陵秋色遠
金鳧玉雁不勝情

其六

易京西去古雲中
白骨黃沙感慨同
皇甫度遼兵甲
盛慕容歸晉羽書通
兵殘馬邑頭空斷
箭盡蘭山恨

未窮最是將軍臺
昨夜來猶自照滄宮

其七

花外陳家結綺樓
翠支甲帳侍宸遊
珠簾夜靜千門
月金井寒生六苑秋
建業山川收王氣
華林歌吹度
邊愁翩翩不少歸
朝客猶向江南說黑頭

其八

萬木蕭森帶遠烟
吳峰吳水氣蒼然
孤城搗素秋風
裏遠戍吹笳落照
照前東郡未忘丞
相澤涼州猶共永
嘉年故人嶺海知
無恙長劍單衫倍
可憐

贈友

朱華媚朝日
空景相澄鮮
浮雲覆長薄
迴風澹圓淵

駕言采三露遊思泛五烟靡蕪揚會芬清澗流潺湲
玄猿坐長嘯羶子爭接肩舍此嘆息去孰辨施與荃
豈無蕙蘭姿孤芳竟誰宣運會有代謝人事多推遷
苟非遭逢早愚賤同棄捐勗哉玉臺藻明時幸相全
毋使秋節至零落悲紅顏

夜讌吳閫

涼飈起高樹飄飄吹我衣繁星耀中天光景炤四垂
華鈴樂遙夜歌舞歡相隨清商發皓齒妍迹揚玄眉
吳客歌采菱曲度何靡靡綺麗盡今夕沉酒忘所歸
憂人獨愁思散步臨堦墀金波澹欲落河漢清且微
願隨晨風翔一舉凌朱羲安能坐長嘆時往不可追

送康小范之廣陵

吹笛離堂意自勞，朱軒繡軸映蘭膏。
論文客路憑樽酒，惜別天涯脫佩刀。
舊苑池臺江雁下，秋城笳鼓海風高。
傷心莫問當年事，司馬墳邊半野蒿。

寄侯記原

吳城膠水路逶迤，歲暮汀洲雁影遲。
秋到梧桐宮人已去，書來桂嶺事堪悲。
江潭憔悴空長恨，故國蕭條有夢思。
何日重頒元朔詔，羽林躍馬備孤兒。

寄侯研德

相逢吳市賦彈箏，此日猶傳舊姓名。
傭保已能藏李燮，酒徒何處問荆卿。
悲歌草土黃金盡，落魄江湖白

髮生無那南來消息斷珠厓烟雨倍傷情

哭友

當時痛哭向秦庭豈意風塵老歲星報國陳豐還寂
寞破家張儉獨飄零十年亡命烏頭白千里思君杜
若青滿目山川征戰後遙憐何地更傷靈

秋夜篇

和弘人聞夏兩兄

八月清商下素柯曲房閒館夜涼多玉階窈窕流明
月畫閣玲瓏度絳河絳河耿耿秋風裏千門萬戶秋
如水霧斂銀牀蟋蟀催涼生綺沼芙蓉死芙蓉小苑
照三星玉繩泛豔夜冥冥博山不暖黃金屋寶瑟森
寒雲母屏屏風幾曲流空影深宮此夜羅裳冷秦女

牀中漫卷衣甄妃塘上思遺枕枕獨床空百恨生遙
遙魚鑰警層城鉞樓羅綺霜華滿甲觀簾櫳露彩明
露彩盈盈閉深殿沉沉宮漏催虬箭共俟羊車殊未
回遙聞鳳管愁相見別有離人妝鏡臺哀絲促柱夜
徘徊羅帳輕亙聞葉墜珠簾斜掩待螢來螢來葉墜
年華換金釵棄置空長嘆啓篋羞看舊舞衣開緘祗
益新邊怨怨別誰家淚未乾可憐夫壻滯臯蘭關山
莫寄鴛鴦被梳閣長悲翡翠環翠環去去無消息門
前碧草遲行迹旅雁寒飛只斷腸牽牛遙指空沾臆
斷腸沾臆迴生愁北斗闌干對桂鈞征人紫塞三千
里賤妾紅闈十二樓樓上銅龍聲漸咽交河一戍同

胡越香綏蘭衾夢未成
寒侵蕙幌愁難歇
蕙幌蘭衾
妾自傷黃姑欲沒月低梁
思君空有刀頭約
誰念深閨秋夜長

三婦豔三首

大婦理彈鬢中婦斂蛾眉
小婦獨無事
臨砌折花枝
風吹合歡帶
山開見紅暉

其二

大婦調絃罷中婦採桑歸
小婦好容貌
對鏡試羅衣
相將向南陌
日夕遲青絲

其三

大婦掩羅幃中婦弄鴛杼
可憐最小婦
盈盈私自語

斗橫花影低抱衾向郎處

望遠曲 并序

望遠曲者本陳君望士題也皇士身隱
東情馳天末有懷難語暫寄託于長歌獨
處舍愁惟留連于短翰貞女于今載蘭橈桂
期十年怨少婦之生離于今入載蘭橈桂
水尊鄒未逢鏡洞珠宮思歡不見嗟乎任
天長而地久流恨無窮縱海濶而江深街
冤何極各成七律聊代五噫庶幾聞者動
心言之無罪云爾

碧窻十二掩春紗楊柳門前是妾家
笛裏新聲憐宋偉鏡中好面問秦嘉
空堦鎮日銅螽靜芳徑無人碧樹斜
拭盡橫波紅玉斷狂夫猶自滯天涯

其二

粧成日日思氤氳沈水香爐好憶君
蛤帳夜來空似

月瑤姬夢去自爲雲佳期漫惜金蟲在遠別羞看玉
燕分惆悵江南無限路楊花只向曲中聞

其三

憶君南渡桂陽川芳草天涯路渺然夜夜愁心依楚
月年年消息隔蠻烟八蠶絲盡流黃素雙燕哀纏寶
瑟絃迢遞他鄉飛破鏡空垂玉筍到花前

其四

寂寂紅闌漏水長黛眉如結坐啼粧茱萸帳捲春無
力玳瑁窻虛夜有霜腸斷似憐琴上曲愁多還蹙額
聞黃相思剩有青陵樹賤妾何曾樂宋王

其五

和分前集卷三
瑤琅深鎖斷經過塵鏡朝朝掩黛蛾豈有鴉雛粧薄
鬢空持龍子映纖羅青驄郎馬騎何處碧玉情人恨
幾多曼臉已甘憔悴盡不堪重唱永新歌

其六

鳴蟬無復去時粧不捲羅茵掩畫床幽夢好憐珠被
薄離愁還怯鳳簫長山頭朱履思公主城外青砧泣
女郎誰念鴛鴦七十二分飛依舊上君堂

其七

晴絲漂泊不勝愁手綰明珠上鳳樓待月半舒銀屈
戌隔花遙聽鈿箜篌靈芸壺內承紅淚卓女絃中怨
白頭欲薦彫胡誰更共石城艇子自淹留

其八

誰家遙艷隔墻東，幾曲屏山笑語通。
翠羽小釵能却月，石華廣袖半從風。
羊車人去春臺閉，鳳腦香銷夜
被空。縱使金燈都化盡，一生還入楚王宮。

其九

合歡芳樹鎖春烟，吹罷瑤笙意欲仙。
婀娜魚車逢嶺上，躊躇翠蓋隔爐邊。
定情早贈琉璃匕，密意微傳白
玉鈿。最是謝娘多薄命，却教長恨五留連。

其十

朝日簾櫳粉態新，羅衣如霧不勝春。
殷勤連瑣知傳語的，歷珊瑚自濕唇。
輦上誰看團扇妾，山前空問織

纖人斛珠縱買芙蓉色未必輕身屬季倫

其十一

三星不動絳河沉銀閣迢迢燭影深明月窻開遺玉
導繁霜曲罷脫金簪臺荒粉蝶三生別隔浦單鳧五
夜心却憶繁家偏邂逅素絲猶得結雙緘

其十二

門前怕對玉驄驕夫婿天涯歸路遙堦草長時人萬
里庭禽啼後緒千條綃紅夜濕鮫人淚帶緩春消楚
女腰何日團圞迎入室鏡臺重整畫眉嬌

贈祁奕喜

蘭漿春濤發權謳興來重泛五湖舟胥臺麋鹿非吾

土江左衣冠異舊游已見酒家藏李燮誰從幕下問
王修十年東府中丞節雙戟淒涼淚未收

江樓晚晴懷丁繡夫

西閣憑闌久雲山望裏餘斷霞江上樹殘照野人家
草色迷春雨鶯聲隔暮花思君空極目愁絕似天涯

登穹窿山

茅君山館鎖崔嵬曲磴盤雲積翠開曉樹遠從吳苑
合春濤不盡越溪來石壇清磬千崖靜碧殿疎鐘萬
壑哀見說仙人丹鼎在只今何處是蓬萊

贈字三朱子

楚江三月柳枝斜連鯨風流自可誇綠酒每彈湘女

琴蘭橈曾泛渚宮花十年避地音書隔萬里思君道
路賒今日尊前重論舊愁看郢樹在天涯

懷侯研德

日暮相思谷水陰故人消息任浮沈督郵無事惟吹
笛困令多情自鼓琴蘭藥池塘春雨過棠梨簾幙晚
雲深最憐高閣登臨處夢渚湘山夜夜心

寄遠

烽火頻年意若何懷人遙隔洞庭波碧雞奉使功名
薄銅鼓迴軍涕淚多灘水瘴高迷楚望湘山日落聽
夷歌最憐帝子南巡路黃竹淒涼少雁過

題穹窿道院

山靄微茫掩薜蘿坐來岩閣望嵯峨
清霜碧澗松聲靜急雨丹崖鶴唳多
銅闕千年空草木瑤壇五夜動
星河方平去後仙遊少欲問騃車奈遠何

席上贈張子

日夕山堂草木深相逢偏作越人吟
尊前空盡新知樂笛裏難傳故國心
玉壘宦遊思劍外銅魚鄉信隔江
薄干戈十載成漂泊矯首南雲淚滿襟

上巳同丁繡夫禊飲

桃花曲水遶芳洲筍履尋春春事幽
遲日樓臺楊柳岸微風簫管木蘭舟
天晴茂苑鶯聲合雨歇橫塘草色浮
一白羽觴修禊後風流誰憶洛濱遊

七夕贈車瑞香

銀浦斜迴玉露團
短筵瓜果曲闌干
白榆夜色珠簾淨
碧樹秋光翠袖寒
取石幾年悲帝子
穿鍼此夕憶長安
漢家往事誰堪記
腸斷宮中賈佩蘭

秋日贈九臨和旣庭作

憐君失意卧滄洲
品藻曾推第一流
張儉姓名傳北部
羊曇涕淚在西州
芙蓉玉露荒江靜
禾黍金風舊國秋
却憶當時詞賦客
酒壚零落竹林遊

送人歸楚

秋水樓船榜客歌
送君遙渡楚江波
仙人遺閣看笙鶴
神女荒臺怨綺羅
故國十年歸雁少
清湘千里暮

猿多洞庭南望蠻烟黑武帳西風正擁戈

寄懷姚子上

南沙烽色照江來吳楚山川望裏開白馬波濤當日
恨黃貂臘祭幾人哀猿聲夜接巴中樹雲氣秋高峽
外臺聞道渡湘曾作賦漂零誰念賈生才

遺事

夜雨挑燈到草堂偶談遺事一沾裳南溟日月蓬萊
外東海樓船牛女傍甲帳惟聞椎晉鄙滄洲何處哭
田王鼎湖龍去無消息目擊神仙水一方

送甫草入都

載酒江亭問客程東風惜別故人情天邊楊柳吹龍

笛日下雲山繞
鳳城花發御溝春
駐馬月殘宮樹曉
聞鶯侍中知有楊莊在
誰薦雄文似長卿

贈舊李侍御伍戶曹李蜀人伍楚人也

草堂深住五湖間
羈宦天涯尚未還
冠蓋幾人依逆旅
烽烟何處望鄉關
蠻雲不斷蒼梧郡
蜀道難通玉壘山
苦憶漢家全盛日
朱衣銀燭殿中班

題茂倫隱居

顧歡高卧處
經歲掩柴關
雨色低春樹
雲陰散曉山
池荒侵草碧
簾捲映花間
薄暮歌聲起
應知採藥還

絕句

可憐鳳腦香
是君別時物
投着博山爐
青烟竟不滅

其二

城北連城南日夕望歡子不及春蠶絲纏綿爲君死
送字三歸楚

江南七月秋風飛短亭尊酒送將歸金飈驛路吹橫
笛碧月江關照客衣朱游別我故鄉去五兩風輕向
何處鄉心空憶武昌魚旅夢還隨漢陽樹憶昔作客
瀟湘濱畫船寶馬驕如雲黃陵廟前鷓鴣雨赤甲山
西莎草春與君相見情傾倒嵇呂交期何足道藉卉
頻傾銀酒鎗看花曾駐金騾裏誰料風塵鄂口城華
年行樂怨飄零楚宮羅綺夷陵火湘山草木下江兵
只今淪落江湖外蘆中誰識投金瀨對酒空悲舊事

非把袖還憐故人在滿目山川恨若何洛中遺事泣
銅駝陸機自草辯亡論劉章漫作耕田歌握手須臾
又離析秋水滔滔浪雲白亂後相逢總斷腸天涯惜
別應沾臆君去還乘下渚船江花江草自堪憐不知
庾亮樓前月猶有風光似昔年

同旣庭敬生天一諸子及家聞夏集繡夫齋

中時旣庭將有越行

銀盤絳蠟照金杯深夜相逢綺席開宋玉風情神女
賦丁儀文筆建安才秋生海樹孤雲淨木落江門早
雁來醉後不堪頻送遠離心一夕越王臺

九日舟行同旣庭繡夫兼呈敬生及家弘人

聞夏

夾岸蘼葭起白鷗片帆斜照越江流金風雁下空潭
暮錦樹霜凋野寺秋九日樓臺堪極目十年車馬憶
同遊龍山舊是登高地綠酒黃花迥自愁

既庭來江城忽爾卧疾詩以問之

西風吹葉到銀床行子秋來別恨長自是言愁推衛
虎獨憐多病問嵇康青楓客舍寒飛雁玉笛高樓夜
有霜何事倦遊偏寂寞音書一月滯江鄉

偶成

真珠簾箔杜陵花倡粉盈盈觀曉霞斂笑自低雙雀
扇避人還上六萌車墨粧犀道傳宮禁素手銀箏本

內家惆悵窈娘西去後那堪重到玉鈎斜

送人還荊州

不盡關山路憐君襖被遊冰霜增旅鬢砧杵亂鄉愁
雁下荊門晚猿啼峽樹秋十年羈宦地回首仲宣樓
客夜有懷

一燈愁獨卧永夜客衣單星月臨江靜樓臺拂曙寒
悲笳霜外斷清漏夢中殘忽憶西園會笙歌滿玉闌
送人之湖南

一樽南浦外惆悵是離羣客路砧聲苦江程樹色分
雁飛衡岳雨帆入洞庭雲桂水東流急秋風不可聞
甫草都中歸賦贈

白袷歸來倦洛塵
陸機詞賦未沈淪
共知開閣延名士
不向乘車問故人
毳帳風沙三市月
玉河烟樹兩宮春
却憐原廟西山裏
石馬荒涼麥秀新

送人歸秦中

離堂絲竹對銜杯
結束征車曉色開
海內交遊千里夢
天涯兵甲一人回
雲分華岳高仙掌
日落秦山見紫臺
武帝樓船還寂寞
秋風汾水雁聲哀

山齋晚眺懷朱子蓉

多少懷人意蒼茫
獨倚闌翠屏秋雨歇
錦障夕霞殘草色
含風細鐘聲度澗
寒芳蘭堪贈遠無
那隔烟巒

擬唐人送宮人入道

十年歌舞屬昭陽，曾侍更衣鳳輦傍。
忽洗翠娥辭柘館，還簪玉葉覓蘭香。
碧壇笙磬春風轉，丹殿星河夜漏長。
絳綉舊恩猶在臂，願隨武帝白雲鄉。

古意

虬水沉沉漏未央，博山火爨坐焚香。
明河半落紅闌夜，旅雁遙飛紫塞霜。
斗帳輕寒悲玉枕，蘂砧微月擣流黃。
可憐萬里征人夢，誰寄音書到白狼。

春遊

東郊行樂地，極目散春情。
烟樹珠樓遠，晴雲碧嶂明。
玉珂調細馬，柘彈落流鶯。
日暮揮鞭去，笙歌滿鳳城。

柳絮

禁柳花將暮長楊絮欲飛空濛疑雪聚淡蕩逐風歸
只自依朱綬誰憐撲酒旗隋堤餘態在偏艷晚春時
送宋旣庭之浙中

樽中桑落酒水上沙棠舟謝公自愛剡中去相如還
作臨邛遊城闕攜手與君別楊柳凋殘那堪折樹色
秋迴海岸雲潮聲夜落江亭月江亭南望惜離羣一
片孤帆下夕曛商飈木葉西興路愁絕清砧夢裏聞
湘水曲效齊梁體

佳期渺何許日暮湘山峯翠華千載沒江流空至今
蘭芳楚臯綠雲起洞庭陰欲識相思苦瑤瑟有哀音

夜集贈余澹心

浮雲如蓋俯林丘
良夜花明雜樹幽
綠酒銀樽催客醉
珠簾璧月照人愁
西園詞賦思高會
北里笙歌感昔遊
辛苦過江談士在
傷心誰數晉風流

贈袁文生黃平子

鳳城二月柳枝黃
日日經過對羽觴
雅量自來推叔度
風流今喜得袁昂
玉河烟樹三春麗
金市笙歌五夜長
同是臨卣詞賦客
何時簪筆到明光

與舊史

衡門蕭寂掩蒿萊
念爾行藏未易才
更始舊臣馮衍在
朔方遷客蔡邕來
望中鄉國空三戶
亂後文章有七哀
搖落清秋邊色裏
援笳愁上北風臺

虎丘題壁二十絕句

有序

妾劉素素豫章人也少隨阿母育於外氏長姊倩
娘雅工屬文刺繡之暇每教妾吟咏自是閨閣之
中屢多酬和丁亥之歲姊年十八嫁于某氏妾時
十六髮始總額阿母以妾許聘于同郡熊生一
時貴公子也是年豫章大亂妾隨母氏避亂山中
既而北兵肆掠遂陷穹廬痛母姊之各分念家山
之入破肝腸寸斷血淚雙垂薄命如斯真不減土
梗浮萍今歲某從役浙中彼人以戎事滯迹白門
因停舟吳閶門外以俟其來兀坐蓬窻百愁總集
因覓紙筆作絕句二十首以寫其哀怨之思夜半

詩成竊與侍婢泛舟虎丘弔貞娘之墓因粘詩寺
壁欲與吳下才人共明妾意嗟乎峽裏猿聲鏡中
鸞影千古哀情在此詩矣

天明吹角數聲殘百將傳呼上玉鞍却憶當時閨閣
裏曉妝猶怯露桃寒

其二

一別慈幃已十年倚門消息有誰傳莫嫌兒去增悲
涕阿姊猶堪在眼前

其三

愁對吳闌江水春願憑蝶夢去尋親遙知今夜南昌
月獨照高堂白髮人

其四

一身飄泊到江湄
淚落連珠那可揮
薄命不如春燕子
年年猶傍舊巢飛

其五

欲說相思已斷腸
多情却逐野鴛鴦
他生願入天台路
流水桃花候阮郎

其六

氈裘貂帽捲風沙
紅粉飄零自可嗟
已逐烏孫成遠嫁
鄉心幾度怨琵琶

其七

自入穹廬已數春
香閨行樂付埃塵
黨家太尉真僞

父強炙羊羔勸美人

其八

回首家山似斷蓬
蛾眉欲畫怨春風
自憐憔悴無人問
惟有慈親入夢中

其九

遠隨邊馬到榆關
紗罩雙眸任往還
夢斷故園雲樹裏
可憐誰是豫章山

其十

昨歲從軍下武昌
征帆夜半過潯陽
起來遙望漳門樹
不得隨風到故鄉

其十一

滕王閣下動飛旌，
柱宮前畫角聲。
惆悵從軍星散盡，
却教紅袖落邊城。

其十二

暗把香綿拭淚流，
相逢已分此生休。
隴頭流水聲嗚咽，
未抵蕭娘一半愁。

其十三

夜夜思君夢裏迴，
朱門舊事總成灰。
妾身已逐楊花去，
辜負溫家玉鏡臺。

其十四

深深芳草葬紅顏，
滿地飛花染淚斑。
莫道貞娘多薄命，
猶勝青塚在陰山。

其十五

滿目東風散柳絲，虎丘山寺獨題詩。
吳下才人知不少，也應腸斷蔡文姬。

其十六

憶昔雕窻瑣玉人，盤龍明鏡畫眉新。
如今流落關山道，紅粉空嬌塞上春。

其十七

鏡日思家自倚欄，朱愁粉瘦更誰看。
相憐惟有湘江竹，抱筍抽篁淚不乾。

其十八

長將幽恨訴空王，一盞禪燈淚數行。
死去縱教借鳳

侶人間那得返魂香

其十九

江行曾見豫章人欲寄家書淚滿巾我欲南行君北
去相逢空說故鄉春

其二十

對酒難禁紅淚垂天涯何日是歸期愁心却是春江
水日日東流無盡時